Sigmund Hemmel

Der gantz Psalter Davids

für vier Stimmen

Bd. 5: Psalmen 121 - 150


Verlag C. Hofius CH201109


Inhalt		3
Psal.121.	Levavi oculos meos (Zu'n Bergen heb ich d'Augen auf)	5
Psal.122.	Laetatus sum in his (Mich freut, dass mir ist g'saget an)	8
Psal.123.	Ad te levavi (Ich heb mein Augen auf zu dir)	11
Psal.124.	Nisi quia Dominus (Wär Gott nicht mit uns diese Zeit)	13
Psal.124.	Ein ander Composition (Wo Gott der Herr nicht bei uns hält)	16
Psal.125.	Qui confidunt in Domino (Nun welche hier ihr Hoffnung gar)	19
Psal.126.	In convertendo Dominus (Wenn Gott, der Herr, wird wenden fein)	22
Psal.127.	Nisi Dominus aedificaverit (Wo Gott zum Haus nicht gibt sein Gunst)	25
Psal.128.	Beati omnes (Wohl dem, der in Gottes Furcht steht)	28
Psal.129.	Saepe expugnaverunt me (Sie haben oft gedränget mich)	31
Psal.130.	De profundis clamavi (Aus tiefer Not schrei ich zu dir)	34
Psal.131.	Domine non est exaltatum (O Herr, mein Herz erhöht ist nicht)	37
Psal.132.	Memento Domine David (O Herr, gedenk an David b'hend)	40
Psal.133.	Ecce quam bonum (Siehe, wie fein und lieblich)	44
Psal.134.	Ecce nunc benedicite Domino (Sehet und lobt den Herren recht)	48
Psal.135.	Laudate nomen Domini (Ihr Knecht des Herren dienen wohl)	51
Psal.136.	Confitemini Domino (Danket dem Herren)	55
Psal.137.	Super flumina Babylonis (An Wasserflüssen Babylon)	58
Psal.138.	Confitebot tibi Domine (Von ganzem Herzen dank ich dir)	62
Psal.139.	Domine probasti me (Herr Gott, der du erforschest mich)	65
Psal.140.	Eripe me Domine (Von bösen Menschen rette mich)	69
Psal.141.	Domine clamavi ad te (Ach Herr, ich ruf allein zu dir)	73
Psal.142.	Voce mea Dominum clamavi (Ich schrei zu Gott mit meiner Stimm)	77
Psal.143.	Domine exaudi orationem meam (Erhör mein G'bet, o Herre Gott)	80
Psal.144.	Benedictus Dominus (Ich dank dem Herren, meinem Hort)	84
Psal.145.	Exaltabo te Deus meus (Mein Gott, ich will erhöhen dich)	88
Psal.146.	Lauda anima mea Dominum (Mein Seel lobe den Herren rein)	90
Psal.147.	Laudate Dominum quoniam (Loben den Herren wohl und rein)	93
Psal.148.	Laudate Dominum de coelis (Ihr Engel von des Himmels Thron)	96
Psal.149.	Cantate Domino (Singet dem Herrn ein neues Lied)	101
Psal.150.	Laudate Dominum in sanctis (Den Herrn zu loben seid bereit)	104
Editionsh	Dericht	107

Psal.121. Levavi oculos meos. (Zu'n Bergen heb ich d'Augen auf)

Zun Bergen heb ich daugen auff/ daher mein hilffe gate/ Von Herrn kompt allein mein hilff drauff/ ders als gemachet hatte. Himmel vnd erd auch als darinn/ der last dein Füß nie nen schlupffen/ der dich behüt der schlafft nit. Er schlaffet vnd entrücket nit/ der Israel behütet/ Der Herr ist der dich behüt mit/ vnd dich all weg vmb schattet. Er fürt dich bey der hande schon/ das dich des tags nit brenn die Sonn/ noch des nachtes der Mone. Der Herr sorgt vnd bhüt dich wol schnell/ vor vbel vnd vor zwange/ Er wirt sorg haben für dein seel/ der Herr behüt dein gange. Du gangest ausse oder ein/ er wirt all weg dein schirmer sein/ jetzt vnd in ewigkeite.

Text: Joachim Aberlin Melodie: Sigmund Hemmel







Psal.122. Laetatus sum in his. (Mich freut, dass mir ist g'saget an)

Mich frewt das mir ist gsaget an/ das wir ins Hauß Gots werden gahn/ vnd das vnser Füß werden stahn/ Jerusalem in dein Pforten. Jerusalem die bawet ist/ wie ein Stad der da nichts gebrist/ die sich einig helt zusammen/ dahin auffsteigen die Stammen. Nemlich die Stammen des Herren/ ja dem Israel zu zeugen/ zu dancken dem Nam des Herren/ daselbst zum gerichtstul sitzen.

Text: Jacob Dachser Melodie: Sigmund Hemmel







Psal.123. Ad te levavi. (Ich heb mein Augen auf zu dir)

Text: Jacob Dachser Melodie: Sigmund Hemmel

Ich heb mein Augen auff zu dir/ der du sitzt in des Himmels zier/ wie die augen der Knecht behend/ sehen auff ihrer Herren hend. Wie die augen der Magd schawen/ stäts auff die hend ihrer Frawen/ also vnser augen auff Gott/ biß er vns hilfft auß aller not. Erbarm dich Herr erbarme dich/ mit deiner hilff nit von mir brich/ dann wir seind der verachtung voll/ du bist der vns kan helfen wol.







Psal.124. Nisi quia Dominus (Wär Gott nicht mit uns diese Zeit)

Text: Martin Luther Melodie: Johann Walter, Wittenberg 1524

WEr Gott nit mit vns dise zeit/ so soll Israel sagen/ Wer Gott nit mit vns dise zeit/ wir hetten müst verzagen. Die so ein armes heufflein sind/ veracht von so vil Menschenkind/ die an vns setzen alle. Auff vns ist so zornig ihr sinn/ wo Gott das hett zugeben/ Verschlunden hetten sie vns hin/ mit gantzem leib vnd leben. Wir warn als die ein flut ersaufft/ vnd vber die groß Wasser laufft/ vnd mit gewalt verschwemmet. Gott lob vnd danck der nit zugab/ das ihr schlund vns möcht fangen/ Wie ein Vogel des stricks kompt ab/ ist vnser Seel entgangen. Strick ist entzwey vnd wir sind frey/ des Herren Namen steh vns bey/ des Gots Himmels vnd Erden.







Psal.124. - Ein ander Composition (Wo Gott der Herr nicht bei uns hält)

Wo Gott der Herr nit bey vns helt/ wann vnser Feinde toben/ Vnd er vnser sach nit zufelt/ im Himmel hoch dort oben. Wo er Israel schutz nit ist/ vnd selber bricht der feinde list/ so ists mit vns verloren. Was menschen krafft vnd witz anfaht/ soll vns billich nit schrecken/ Er sitzet an der höchsten stat/ der wirt ihrn raht auffdecken. Wann sies auffs klügest greiffen an/ so geht doch Gott ein ander bahn/ es steht in seinen henden. Sie wüten fast vnd fahren her/ als wolten sie vns fressen/ Zu würgen steht all ihr beger/ Gots ist bey ihn vergessen. Wie Meereswellen einherschlan/ nach leib vnd leben sie vns stahn/ des wirt sich Gott erbarmen.

Text: Justus Jonas Melodie: Wittenberg 1533







Text: Mathias Greiter Melodie: Straßburg, 1525

Psal.125. Qui confidunt in Domino. (Nun welche hier ihr Hoffnung gar)

Nvn wölche hie ihr hoffnung gar/ auff Gott den Herren legen. Die bleiben stäts vnwanckelbar/ vnd lond sich nit bewegen. Ihr glaub ist satt/ kein mangel hat/ von Gott hat er die stercke/ darumb spricht man/ sie werden bstahn/ gleich wie Zion der Berge. Dann vmb die Stad Jerusalem/ da ist gar vil Gebirge. Damit der feind kein zugang nem/ das er sie nit erwürge. Also thut Gott/ in aller not/ sein glaubig volck vmbgeben/ vnd bey ihn stahn/ von jetzund an/ vnd biß ins ewig leben. Gott ist gerecht vnd all weg gut/ der wirt auch nicht zulassen. Der Sünder vnd Gotlosen rut/ vber die Gottsgenossen. Auff das der grecht/ nit wird geschmecht/ das er in sünd nit falle/ mit seiner hend/ das doch Got wend/ vnd bhüt die frommen alle.







Psal.126. In convertendo Dominus. (Wenn Gott, der Herr, wird wenden fein)

Wenn Gott der Herr wirt wenden fein/ die gfenckniß Zion auß der pein/ so seind wir in der tröstung/ dann wirt vnser mund voll frewd sein/ vnd vnser zung voll rhümung. Als dann wirt man auch sagen an/ vnder den Heiden auff dem plan/ Got hat groß an jhn ghandlet/ er hat auch groß an vns gethan/ des seind wir frölich gwandlet. O Herr du vnser gfenckniß wend/ gleichwie im Sommer die dorrend/ vertrucknen gar auff Erden/ dann die mit Trähern seen gend/ mit frewden ernten werden.

Text: Jacob Dachser Melodie: Leipzig, 1545







Text: Johannes Kolrose Melodie: Wittenberg, 1533

Psal.127. Nisi Dominus aedificaverit. (Wo Gott zum Haus nicht gibt sein Gunst)

Wo Gott zum hauß nit gibt sein gunst/ so arbeit jederman vmbsunst/ wo Gott die Stad nit selbst bewacht/ so ist vmbsonst der Wechter macht. Vergebens das jhr früh auffstehn/ darzu mit hunger schlaffen gehn/ vnd eßt ewr Brod mit vngemach/ dann wems Got günt gibt ers im schlaff. Nun seind sein Erben vnser kind/ die vns von jhm gegeben sind/ gleich wie die pfeil ins starcken hand/ so ist die jugend Gott bekand.







Psal.128. Beati omnes (Wohl dem, der in Gottes Furcht steht)

Text: Martin Luther Melodie: Johann Walter, Wittenberg 1524

WOI dem der in Gottes forcht steht/ vnd auch auff seinem wege geht/ dein eigen hand dich nehren soll/ so lebst du recht vnd geht dir wol. Dein Weib wirt in deim hause sein/ wie ein Reben voll Trauben fein/ vnd dein Kinder vmb deinen Tisch/ wie ölpflantzen gesund vnd frisch. Sih so reich segen hangt dem an/ wo in Gottes forcht lebt ein Mann/ von ihm lest der alt fluch vnd zorn/ den Menschenkindern angeborn.







Psal.129. Saepe expugnaverunt me. (Sie haben oft gedränget mich)

Text: Jacob Dachser Melodie: Sigmund Hemmel

Sie haben offt getrenget mich/ von meiner jugent auff fräfflich/ es soll Israel sagen/ sie haben offt getrenget mich/ von jugent meiner tagen.

Aber sie haben mich fürwar/ nit vbermöcht in der gefahr/ die Pflüger hand mich bogen/ vnd auff meim rücken pflüget gar/ vnd ihre furch lang zogen. Der Herr der grecht ist vnd auffschawt/ hat der Gottlosen seil abghawt/ es müssen geschend werden/ zurück kehren vnd nit erbawt/ all feind Zion auff Erden.







Psal.130. De profundis clamavi (Aus tiefer Not schrei ich zu dir)

Text: Martin Luther Melodie: Marin Luther, Erfurt 1524

Auß tieffer not schrey ich zu dir/ Herr Gott erhör mein ruffen/ Dein gnedig ohren kehr zu mir/ vnd meiner bitt sie öffen. Dann so du wilt das sehen an/ was Sünd vnd vnrecht ist gethan/ wer kan Herr vor dir bleiben. Bey dir gilt nichts dann gnad vnd gunst/ die Sünde zu vergeben/ Es ist doch vnser thun vmbsunst/ auch in dem besten leben. Vor dir sich niemand rhümen kan/ des muß dich fürchten jederman/ vnd deiner gnaden leben. Darumb auff Gott will hoffen ich/ auff mein verdienst nit bawen/ Auff ihn mein hertz soll lassen sich/ vnd seiner güte trawen. Die mir zusagt sein werdes wort/ das ist mein trost vnd trewer hort/ des will ich allzeit warten.






Text: Joachim Aberlin Melodie: Sigmund Hemmel


Psal.131. Domine non est exaltatum. (O Herr, mein Herz erhöht ist nicht)

O Herr mein hertz erhöcht ist nicht/ noch meine augen auffgericht/ mein wandel soll nit strecken sich/ zu dingen die seind vber mich/ Alleluia. Also hab ich mein seel geschweigt/ wie dfraw ein kind das nit mehr seugt/ vnd hat doch alle hilff von jhr/ der massen ist mein Seel gen dir/ Alleluia. In Herren hoff du Israel/ dem solt vertrawen leib vnd seel/ bey jhm ist schon die hilff bereit/

von jetzt an biß in ewigkeit/

Alleluia.






Psal.132. Memento Domine David. (O Herr, gedenk an David b'hend)

O Herr gedenck an Dauid bhend/ an all sein müh vnd groß ellend/ er schwur dem Herren stäte/ Dem Gott Jacob er globt hat mit/ in dHütten meins hauß will ich nit/ noch ligen an meim Bette. Laß mein Augen kein schlaffe thun/ dAuglied will ich nit niderlon/ biß das ich zugrüst balde/ ein hütt dem Herrn des Jacobs hort/ in Ephrata hands wir gehört/ vnd funden in dem Walde. Wir wöllen in sein Hütten gahn/
vor seim Fußschemel betten an/
Herr mach dich zu deinr ruwe/
Die Lad deinr stercke schön bereit/
der Priester kleid sey grechtigkeit/
ein jeder Heilg sich frewe.
Vmb willen Dauid deines knechts/
wölst Christs angsicht nit verheln schlechts/
der Herr hat Dauid gschworen/
den eyd wirt er auch halten stäts/
die frucht deins leibs ich hoch auffsetz/
ich hab sie außerkoren.

Halten dein Kinder disen bund/ auff den stul setz ihr kind zu stund/ dem Herrn gfall Zion eben/ Da soll all weg mein ruwe stahn/ dann ich han grossen lust daran/ speiß gnug will ich ihr geben. Mit heil kleid ich die Priester fein/ ihr Heilgen sollen frölich sein/ Shorn Dauids wechst da schone/ meim gsalbten ist ein kertz gerüst/ sein feind hand schand zu aller frist/ auff ihm blüet sein Krone.

Text: Joachim Aberlin Melodie: Sigmund Hemmel



Psal.133. Ecce quam bonum. (Siehe, wie fein und lieblich)


Sihe wie fein vnd lieblich ist/ das miteinander wohnen. Die Brüder ohn all arge list/ so singt der Prophet frone. Als flüß ein gute Salbe schon/ herab wol in den Bart Aaron/ auff den saum seiner Kleider/ als wann der thaw/ Hermon rab floß/ vnd die Berg Zion vber goß/ David der psalliert weiter.


Dann daselbst gebeut Gott der Herr/ segen vnd leben jmmer. Und ewiglich das wir jhn schwer/ sollen vergessen nimmer. Das wir allzeit gesinnet sein/ in brüderlicher liebe rein/ einander die hend reichen/ auch vnser trost/ vnd hoffnung stand/ allein in Christo dem Heyland/ das ist der lieb ein zeichen. Melodie: Sigmund Hemmel

Aarons salbe köstlich ist/

Text: Augsburg 1533 (anonym)

Aarons salbe köstlich ist/
wölch auff sein haupt ist gossen.
In einr Figur auff Jesum Christ/
hnad vmb gnad von jhm gflossen.
Die geistlich salb in Aarons bart/
ist der heilig Geist Gottes wort/
wirt durch den mund verkündet/
durch die wölch Gott/ berufft zur lehr/
seind die Christliche Prediger/
das ist in schrifften gründet.







Psal.134. Ecce nunc benedicite Domino. (Sehet und lobt den Herren recht)

Text: Joachim Aberlin Melodie: Sigmund Hemmel

Sehend vnd lobt den Herren recht/ alle die seind des Herren knecht/ nit gnug lobt man mit aller macht/ ins Herren hauß die gantze Nacht. Im Heiligthumb heb d'Hende auff/ den Herren lob der gantze hauff/ von Zion euch der Herr berath/ der Erd vnd Himmel g'machet hat.






Psal.135. Laudate nomen Domini. (Ihr Knecht des Herren dienen wohl)

Text: Joachim Aberlin Melodie: Sigmund Hemmel

Ir knecht des Herren dienen wol/
sein Namen jeder loben soll/
ihr knecht im Hauß des Herren/
Die dienen in den Höfen gmein/
des Tempels vnsers Gotts allein/
kein vnwill soll euch sperren.
Lobend den Herrn der freundlich ist/
sein Namen lobt zu aller frist/
er ist lieblich vnd güte/
der Herr hat ihm Jacob erwehlt/
in sonder Israel gezehlt/
sein eigenthumb er bhüte.

Ich weiß das ist de Herre groß/ vber die Göt ohn alle maß/ er thut was jhm geliebet/ Im Himmel auff der Erd so weit/ im Meer in allen tieffen breit/ in Wolcken er sich vbet. Er bringt sie von der Erden end/ die plitz macht er zu reden bhend/ sein heimligkeit bringt Winde/ er hat mit seiner macht ermört/ in Egypten die Erstgeburt/ Menschen vnd Vieh geschwinde. Sein wunder sach Egypten recht/
der Pharao vnd seine knecht/
erschlug vil volcks vnd König/
Der Amoriter köng Sihon/
vnd Og den König zu Basan/
zu Canaan die menig.
Gab jhn jhr Land zum Erb mit schall/
zum Erb sein volck Israel zmal/
Herr dein Nam wirt stät weren/
der Herr wirt sein volck richten schon/
sein knecht sich auch versünen lon/
die Heiden Götzen ehren.







Psal.136. Confitemini Domino. (Danket dem Herren)

Text: Sigmund Salminger Melodie: Sigmund Hemmel

Dancket dem Herren der freundlich ist/ dann seine güt wert alle frist/ danckt Gott aller Götter frölich/ dann seine güt weret ewiglich. Dancket dem Herren aller Herren/ dann sein güt thut ewig weren/ der grosse wunder thut allein/ dann seine güt wert ewiglich gmein. Der die Himmel weißlich gmachet hat/ sein güt wert ewig früh vnd spat/ der die Erd auff Wasser außbreit/ dann seine güt wert in ewigkeit.






Psal.137. Super flumina Babylonis. (An Wasserflüssen Babylon)

An wasserflüssen Babylon/
da sassen wir mit schmertzen/
Als wir gedachten an Zion/
da weinten wir von hertzen.
Wir hiengen auff mit schwerem mut/
die Orglen vnd die Harpfen gut/
an ihre Beum der Weiden/
die drinnen sind in jhrem land/
da musten wir vil schmach vnd schand/
täglich von jhnen leiden.

Die vns gefangen hielten lang/ so hart am selben orten/ Begerten von vns ein gesang/ mit gar spöttlichen worten. Vnd suchten in der trawrigkeit/ ein frölich gsang in vnserm leid/ ach lieber thut vns singen/ ein lobgesang ein liedlein schon/ von dem gedichten auß Zion/ das frölich thut er klingen. Wie sollen wir in solchem zwang/ vnd ellend jetzt vorhanden/ Dem Herren singen sein gesang/ so gar in frembden Landen. Jerusalem vergiß ich dein/ so wölle Gott der grechten mein/ vergessen in meim leben/ wenn ich nit dein bleib in gedenck/ mein zung sich oben ane henck/ vnd bleib am rachen kleben.

Text: Wolfgang Dachstein Melodie: Wolfgang Dachstein 1525







Psal.138. Confitebor tibi Domine. (Von ganzem Herzen dank ich dir)

Von gantzem hertzen danck ich dir/ vnd will dir Gott lobsingen/ Vor den Göttern dann du thust mir/ beystand in allen dingen. Darumb will ich anbetten dich/ in deiner heilgen wohnung/ vnd dancken sehr/ deim Namen Herr/ vmb dein trew vnd erbarmung. Dann du hast deinen Namen fein/ so groß vnd herrlich gmachet/ Vber alles durch die red dein/ wölche die Welt verlachet. Aber wenn ich anruffe dich/ so thu mir Herr antworten/ vnd breit auß schnell/ in meiner Seel/ dein sterck an allen orten. Es sollen all König auff Erd/ dir danck vnd preiß zulegen/ Das sie deins munds red haben ghört/ vnd singen auff den wegen. Des Herren mein das die ehr sein/ groß sey vnd vnaußsprechlich/ dann Got ist hoch/ vnd schawet doch/

Text: Jacob Dachser Melodie: Sigmund Hemmel






Text: Heinrich Vogther Melodie: Straßburg 1527

Psal.139. Domine probasti me. (Herr Gott, der du erforschest mich)

Herr Gott der du erforschest mich/ erkennst mein gantzes leben/ Mein aufferstehn vnd sitzen ich/ bekenn von dir wirt geben. All mein gedancken so ich han/ vor dir O Gott eröffnet stahn/ erkennst mein thun vnd lassen/ dann du bist stäts vmb meinen pfad/ der rings weiß vmb mein Lager gath/ spehest auß all mein strassen. Es ist kein wort in meinem mund/ noch red auff meiner zungen/ Das dir nit alles vor sey kund/ eh sie wern gred noch gsngen. Ich geh steh was ich jmmer thu/ so bist du da vnd sichst mir zu/ ohn dich nichts guts vollbringe/ du richtest dann in mir vor an/ dein hand mich krefftig führ auff dbahn/ mir mag sonst nit gelingen. Ich bin zu schwach in meim verstand/ solch heimligkeit zur langen/ Vernunfft treibt darauß nur ein tand/ im glauben wirts empfangen. Wo soll ich hingehn vor deim geist/ der aller hertzen gdancken weist/ dein angsicht weiß mein fliehen/ fahr ich gen Himmel so bist da/ auch in der Höll vnd anders wo/ kan mich dein nit entziehen.




Text: Jacob Dachser Melodie: Sigmund Hemmel

Psal.140. Eripe me Domine. (Von bösen Menschen rette mich)

Von bösen Menschen rette mich/ behüt mich Herr des bitt ich dich/ von den frävelen Mannen/ Dann böses dicht ihr vntrew hertz/ täglich anricht vil streit vnd schmertz/ das sie mich gar verbannen. Die scherpffen jhr zung wie ein schlang/ Nattern grimm ist in jhrem wang/ jhr lefftzen sind vergifftet/ O Herr bewar mich vor der hand/ der Gottlosen die auff mich spand/ vnd allzeit vnglück stifftet.

Vor fräfflen Männern mich bewar/
die meiner tritt gedencken gar/
außzustossen von allen/
Die stoltzen legen mir ein strick/
spannen mir seil zum Netz so dick/
stellen auf mein weg fallen.
Ich aber zu dem Herren sag/
du bist mein Gott Herr dem ichs klag/
vernimm die stimm meins flehens/
Herr Herr du krafft meins heils vnd frewd/
du deckst mein hauß zur harnischzeit/
ich tröst mich deins auff sehens.

Dem Gottlosen sein lust nit laß/ sterck nit sein mutwill vnd sein straß/ sie möchten sich erheben/ Ihrer lefftzen vnglück wirt bald/ auff sie fallen vnds haupt mit gwalt/ deren die mich vmbgeben. Er wirt Kolen auff sie schütten/ dann sie kein böß stuck vermitten/ ins fewr wirt er sie weltzen/ in dgrub das sie nit stehn bleiben/ wirt er sie all zu hauff treiben/ vnd sie mit fewre schmeltzen.



Text: Joachim Aberlin Melodie: Straßburg, 1525

Psal.141. Domine clamavi ad te. (Ach Herr, ich ruf allein zu dir)

Ach Herr ich ruff allein zu dir/
eyl du zu meinem gilffen/
Vernimm die stimm vnd klag von mir/
ich will nun dich anruffen.
Vor dir sey angnem mein bett schreit/
als ein geruch gar wol bereit/
meiner hende auffheben/
sey dir ein Abendopffer gut/
O Herr setz meinem mund ein hut/
meinr lefftzen thür hüt eben.


Neig mein hertz zu keinr bösen sach/ zführen ein Gottloß wesen/ Das ich nit folg den schelcken nach/ laß mich jhr speiß nit essen. Wenn der gerecht mich schlahet schon/ so will ichs für ein freundschaft hon/ vnd für das beste öle/ das meinem haupt kein leide thet/ wider jhr böß gaht mein gebet/ das selig werd die Seele. Bey den Felsen strauchlen nun hart/ all ihre Richter gschwinde/ Ein jeder meine rede hört/ das sie fast lieblich finde. Wie spen bey eim der Holtz zerscheit/ also seind vnser bein zerstreüt/ auff Erden bey dem Grabe/ vnd wie das Lande sich erhebt/ bey einem der ein gruben grebt/ hilff Gott wir nemen abe.




Psal.142. Voce mea ad Dominum clamavi. (Ich schrei zu Gott mit meiner Stimm)

Text: Jacob Dachser Melodie: Sigmund Hemmel

Ich schrey zu Gott mit meiner stimm/ vnd flehe zu dem Herren/ Ich schütt auß mein gebet vor jhm/ das er mich wöll geweren. Vnd zeig an vor jhm all mein not/ wann mein geist vor angst sinckt in todt/ so thust mich Herr erkennen. Sie haben mir strick auff der bahn/ gelegt da ich soll wandlen/ Schaw zur rechten vnd sihe an/ wie sie mich haben gfangen. Dann keiner mich mehr kennen will/ verloren ist mein flehen vil/ niemand fragt nach meinr seele. Zu dir schrey ich O Gott mein heil/ vnd sag du bist mein hoffnung/ Im land der lebenden mein theil/ O Herr merck auff mein klagung. Dann sehr gering bin worden ich/ vor mein verfolgern rette mich/ sie sind mir ob gelegen.






Psal.143. Domine exaudi orationem meam. (Erhör mein G'bet, o Herre Gott)

Text: Jacob Dachser Melodie: Sigmund Hemmel

Erhör mein gbet O Herre Gott/
vernimb mein bitten in der not/
vmb deiner warheit willen/
thu mein beger erfüllen/
Umb willen deiner grechtigkeit/
antwort du mir in meinem leid/
vnd geh nit ins gerichte/
mit deinem knecht nit fichte.
Dann kein lebendiger erschein/
der vor dir mög recht fertig sein/
hilff Herr der feind verfolgt mein seel/
vnd tracht wie er mirs leben steel/
er tritt mich gar zu boden.

Dann er mich in das finster stelt/
gleich wie die todten auff der Welt/
mein geist ist mir versehret/
mein hertz im leib verstöret/
Ich denck an die vorigen zeit/
vnd tracht nach deinen wercken weit/
vnd gschefften deiner henden/
will ich mein red vollenden.
Ich breite auß mein hend zu dir/
mein Seel dürstet gantz mit begir/
auff Erd nach dir mich bald erhör/
mein geist vergeht O mein Gott wehr/
thu dich vor mir nit bergen.

Dein antlitz Herr von mir nit weich/
das ich denen nit werde gleich/
die in die gruben fahren/
darumb thu mich bewaren/
Laß mich frü dein barmhertzigkeit/
hören in meiner angst vnd leid/
dann ich auff dich thu hoffen/
mach mir Herr den weg offen.
Auff wölchem ich gehn soll hinfür/
dann ich heb mein Seel auff zu dir/
von meinen feinden rette mich/
zu dir mein Gott zuflucht hab ich/
lehr mich thun deinen willen.




Psal.144. Benedictus Dominus. (Ich dank dem Herren, meinem Hort)

Ich danck dem Herren meinem hort/
mein hend zum streit lehrt durch sein wort/
vnd meine Finger kriegen/
kein feind kan jhn betriegen/
Mein gut mein burg mein schutz fürwar/
erretter schilt auff jhn traw zwar/
mein volck er wol regieret/
vnder mich zwingt vnd führet.
O Herr was ist des Menschen zil/
das du dich sein annimpst so vil/
oder was ist des Menschen kind/
das du sein achtest also gschwind/

der mensch ist gleich wie nichtzen.

Er ist gleich als ein eitelkeit/ all sein tag sind wie ein schat breit/ Herr deine Himmel neige/ fahr ab her dich erzeige/ Rhür berg so rauchens vber auß/ laß blitzen vnd zerstrew sie auß/ scheuß deine pfeil schrecks gähe/ send dein hend von der höhe. Erlöse vnd errette mich/ von grossen wassern ich bitt dich/ vnd von der frembden kinder hand/ böß redt der munde allersand/ ihr rechte ist verkehret. O Gott ein new lied sing ich dir/
das ich dich lobe mit begir/
mein Harpff vnd Laut dir klingen/
mit zehen seiten singen/
Den Köngen gibst den siege gar/
erlöst dein diener auß der gfahr/
David vom schwert des bösen/
kundtest du wol erlösen.
Erlöß mich auch vnd rett mich bhend/
von aller frembden kinder hend/
der mund hat vnnütz ding geseit/
ihr rechte ist eittel boßheit/
ein falsch verlogne hande.

Text: Joachim Aberlin Melodie: Sigmund Hemmel







Psal.145. Exaltabo te Deus meus. (Mein Gott, ich will erhöhen dich)

Text: Jacob Dachser Melodie: Sigmund Hemmel

Mein Gott ich will erhöhen dich/ vnd will jmmer vnd ewiglich/ Köng deinen Namen preisen/ ja ich will dich loben täglich/ vnd alle ehr beweisen. Der Herr ist groß vnd sehr löblich/ sein grösse ist vnerforschlich/ kinds kind in jhren tagen/ werden deine werck ewiglich/ vnd von deim gwalt lobsagen. Von deines lobs schmuck heiligkeit/ will ich verkünden weit vnd breit/ das man dein wunder mercke/ so ich erzehl dein herrligkeit/ vnd von deim gwalt lobsagen.







Psal.146. Lauda anima mea Dominum. (Mein Seel lobe den Herren rein)

Mein Seel lobe den Herren rein/ ich will loben den Herren/ Dieweil ich hab das leben mein/ Gott lob singen zu ehren. Verlond euch auff die Fürsten nicht/ noch auff die Menschenkind miticht/ sie können euch nit helffen. Dann sein geist hat kein bleiben hert/ er muß wider außfahren/ Vnd widerkommen zu der Erd/ sein anschleg seind verloren. Wol dem des hilff Gott Jacobs ist/ wol dem des hoffnung alle frist/ steht auff Gott seinen Herren. Der Himmel Erden vnd das Meer/ vnd alles was darinnen/ Gemachet hat ohn alle schwer/ er ist ob Seraphinen. Vnd helt gelauben ewiglich/ der schaffet recht wunderbarlich/ dem der hie vnrecht leidet.

Text: Hans Sachs Melodie: Sigmund Hemmel






Psal.147. Laudate Dominum quoniam. (Loben den Herren wohl und rein)


Text: Joachim Aberlin Melodie: Sigmund Hemmel

Lobend den Herren wol vnd rein/
lobsingen vnserm Gott ist fein/
hübsch ist sein lobe singen/
Jerusalem der Herr bawt zwar/
das volck Israel zerstrewt gar/
wirt er zusammen bringen.
Er machet gsund vnd heilet bhend/
die eins zerbrochen hertzen seind/
verbind jhn jhre Wunden/
er zehlt die vil der Sternen zal/
vnd nennet sie mit namen all/
ein jeden kan er finden.

Gar groß ist vnser Herr geacht/
ohn maß ist groß sein krafft vnd macht/
seins verstands ist kein zahle/
Der Herr richt auff die demut werd/
wirfft die Gottlosen biß zur Erd/
vnd hochmut vber alle.
Singt dem Herren zu lobe schon/
vnd lond eins vmb das ander gon/
lobsingt zu aller zeite/
zur Harpffen vnserm lieben Gott/
der den Himmel bedecket hat/
mit Wolcken weit vnd breite.

Das er regen zu aller frist/
der Erden vns zu gut zugrüst/
Hew gibt er auff den Bergen/
Dem Vieh gibt er sein futter schon/
den Rappen die jhn schreyen an/
er lat kein Vogel sorgen.
Ans Reutters sterck hat er kein lust/
kein gfallen an dem beinharnischt/
die fast nach kriegen scharren/
an denen hat er frewd die jhn/
vor augen hand vnd recht fürchten/
die auff sein gnade harren.







Psal.148. Laudate Dominum de coelis. (Ihr Engel von des Himmels Thron)

Ir Engel von des Himmels thron/
lobend den Herren fein vnd schon/
Slob fach die höhe ane/
Ihn lob all seiner Engel schar/
lobt ihn all sein Heer immerdar/
jhn lob die Sonn vnd Mone.
Ihr Sternen die hell leuchten all/
lobend jhn auch mit reichem schall/
jhr Himmel aller Himmel/
lobend den Herren resch vnd bhend/
mit allen wassern die da seind/
hoch oben im getümmel.

Des Herren Nam vil lobs her bring/ sein wort erschaffet alle ding/ vnd helts jmmer mit schalle/ Es bleibt sein ordnung vnd gesetz/ man lobt auff Erd den Herren stäts/ Wahlfisch vnd tieffen alle. Fewr hagel schne dampff hitz vnd wind/ wätter die von jhm gmachet seind/ Berge vnd alle Bühel/ fruchtbare bäum vnd Ceder all/ mit würmen vieh vnd thier er grell/ vnd das gflüglet gefügel. Die Köng der Erd vnd dvölcker gar/ Fürsten der Welt all Richter zwar/ Jüngling vnd Jungfraw gmeine/ Der alt vnd jung sich des nit schem/ des Herren Namen all loben/ sein Nam ist hoch alleine. Vber Himmel vnd Erd erhöcht/ der das horn seines volcks auffricht/ sein Heilgen all lob haben/ vnd Israel die Kinder hoch/ jhn ehrt das volck vnd ist jhm nach/ den Herren loben eben.

Text: Joachim Aberlin Melodie: Sigmund Hemmel







Text: Hans Sachs

Psal.149. Cantate Domino. (Singet dem Herrn ein neues Lied)

Melodie: Sigmund Hemmel

Singet dem Herrn ein newes lied/ in der Heilgen gemeine/ Israel frew sich seiner güt/ des der jhn machet reine. Frölich sind die Kinder Zion/ ob jhrem edlen König fron/ lobend sein Nam im Reyen. Mit Baucken Harpffen spielend sie/ der Herr hat wol gefallen/ An seinem volck er zieret die/ ellenden mit heil alle. Die Heilgen sind frölich in ehr/ jhren halß Got erhöhet sehr/ schwert sind in jhren henden. Zu vben vndern Heiden rach/ straff dein Völckern in Landen/ Ihr köng mit Ketten zbinden auch/ jhr edlen mit fußbanden. Das sie an jhn thund das gericht/ dauon geschriben ist solch frucht/ haben all seine Heilgen.





Psal.150. Laudate Dominum in sanctis. (Den Herrn zu loben seid bereit)

Den Herrn zu loben seind bereit/

jhn lobt in seiner vest vnd sterck/

jhn lobt in seinem gwalt vnd werck/

in seiner hohen heiligkeit/

Sein stercke lobt ohn alle maß/ nach seiner fürtrefflichen groß/ sein herrligkeit lobend mit schall/ lobend jhn mit Posaunenhall/ Alleluia.

Lobt jhn mit Psalter Schalmeyen/

Text: Joachim Aberlin **Melodie: Sigmund Hemmel**

mit Paucken Seyten vnd Reyen/ mit jauchtzen vnd mit Zimbaln gut/ den Herren lobt was Ahtem hat/ Alleluia.

